



Broj: 16-12-16-6556- <sup>14</sup> /22  
Istočno Sarajevo, 10.11. .2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije od 31.10.2022. godine, na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-6556/22 od 08.11.2022. godine, u postupku javne nabavke kancelarijskog namještaja za potrebe Državne agencije za istrage i zaštitu, direktor Državne agencije za istrage i zaštitu, **d o n o s i**

### **ODLUKU**

o izboru najpovoljnijeg ponuđača u postupku javne nabavke  
kancelarijskog namještaja za potrebe Državne agencije za istrage i zaštitu

#### **Član 1.**

U postupku javne nabavke kancelarijskog namještaja za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2022. godini broj 16-12-16-6556/22 od 08.11.2022. godine, dodijeljuje se ugovor za:

- LOT-1 (Nabavka radnih stolica), ponuđaču „HAFELE BH” d.o.o. Gračanica, ponuda broj, 16-12-16-6556-8/22 od 24.10.2022. godine za ponudenu cijenu od 16.000,00 KM bez uračunatog PDV-a;
- LOT-2 (Nabavka konferencijskih stolova i kasete), ponuđaču „HAFELE BH” d.o.o. Gračanica, ponuda broj, 16-12-16-6556-8/22 od 24.10.2022. godine za ponudenu cijenu od 4.360,00 KM bez uračunatog PDV-a;
- LOT-3 (Nabavka arhivskih drvenih ormara), ponuđaču „HAFELE BH” d.o.o. Gračanica, ponuda broj, 16-12-16-6556-8/22 od 24.10.2022. godine za ponudenu cijenu od 2.857,00 KM bez uračunatog PDV-a, umanjenu prema rezultatima e-aukcije.

#### **Član 2.**

(1) Ponuđač „HAFELE BH” d.o.o. Gračanica obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### **Član 3.**

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

#### Član 5.

Ova odluka stupa na snagu danom donošenja.

### O b r a z l o ž e n j e

Odlukom direktora Agencije broj 16-12-16-6556/22 od 20.09.2022. godine i 06.10.2022. godine pokrenut je postupak javne nabavke kancelarijskog namještaja za potrebe Agencije, procijenjene vrijednosti 19.500,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-197-3-42/22 od 11.10.2022. godine. Predmet javne nabavke podijeljen je na LOT-ove, i to:

- LOT -1 (Nabavka radnih stolica)=12.800,00 KM;
- LOT -2 (Nabavka konferencijskih stolova i kasete)=3.900,00 KM;
- LOT -3 (Nabavka arhivskih drvenih ormara)=2.800,00 KM, sve bez uračunatog PDV-a.

Novčana sredstva za realizaciju navedene nabavke obezbijedena su u okviru budžetskih sredstava za 2022. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2022. godinu („Službeni glasnik BiH”, broj 42/22) i Dokumenta okvirnog budžeta 2022.-2024. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 25.10.2022. godine do 13:00 sati, te da se ponude dostavljaju u zatvorenoj koverti, Komisija je dana 25.10.2022. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristiglo pet ponuda na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno je dostavljeno pet ponuda, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-6556-8/22	„HAFELE BH” d.o.o. Gračanica	24.10.2022.g. u 10:30 h
2.	16-12-16-6556-9/22	„R&S” d.o.o. Sarajevo	25.10.2022.g. u 09.10 h
3.	16-12-16-6556-10/22	„R&S” d.o.o. Sarajevo	25.10.2022.g. u 09.11 h
4.	16-12-16-6556-11/22	„R&S” d.o.o. Sarajevo	25.10.2022.g. u 09.12 h
5.	16-12-16-6556-12/22	„MIRA-MAR” d.o.o. Foča	25.10.2022.g. u 10:40 h

R.br.	Naziv ponuđača	Ponuđena cijena u KM (bez PDV-a)
1.	„HAFELE BH” d.o.o. Gračanica	LOT 1=16.000,00 LOT 2=4.360,00 LOT 3=3.900,00
2.	„R&S” d.o.o. Sarajevo	LOT 1=18.720,00
3.	„R&S” d.o.o. Sarajevo	LOT 2=4.992,00
4.	„R&S” d.o.o. Sarajevo	LOT 3=2.860,00
5.	„MIRA-MAR” d.o.o. Foča	LOT 2=4.770,00 LOT 3=3.600,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Cijeneći navedeno, Komisija je utvrdila da ponuđači „HAFELE BH” d.o.o. Gračanica, „R&S” d.o.o. Sarajevo i „MIRA-MAR” d.o.o. Foča ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu.

Kako je za postupak javne nabavke kancelarijskog namještaja za potrebe Agencije, tačkom 8. (8.2.) Konkurentskog zahtjeva predviđeno provođenje e-aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16), a imajući u vidu da su od dvije pristigle ponude za LOT-1 (Nabavka radnih stolica) obje prihvatljive, da su od tri pristigle ponude za LOT-2 (Nabavka konferencijskih stolova i kasete) sve tri prihvatljive, te da su od tri pristigle ponude za LOT-3 (Nabavka arhivskih drvenih ormara) sve tri prihvatljive, Komisija zakazuje e-aukciju za dan 31.10.2022. godine za LOT-1 sa početkom u 10:00 sati, u trajanju od 20 minuta, za LOT-2 sa početkom u 11:00 sati, u trajanju od 20 minuta i za LOT-3 sa početkom u 12:00 sati, u trajanju od 20 minuta.

Prema Izvještajima o toku i završetku e-aukcije od 31.10.2022. godine, Komisija je sačinila konačnu rang listu ponuđača koji su učestvovali u postupku e-aukcije za predmetni postupak nabavke, kako slijedi:

#### LOT-1 (Nabavka radnih stolica)

R.br.	Naziv ponuđača	Ponuđena cijena bez uračunatog PDV-a	Rang
1.	„HAFELE BH” d.o.o. Gračanica	16.000,00 KM	1
2.	„R&S” d.o.o. Sarajevo	18.720,00 KM	2

LOT-2 (Nabavka konferencijskih stolova i kasete)

R.br.	Naziv ponuđača	Ponuđena cijena bez uračunatog PDV-a	Rang
1.	„HAFELE BH” d.o.o. Gračanica	4.360,00 KM	1
2.	„MIRA-MAR” d.o.o. Foča	4.770,00 KM	2
3.	„R&S” d.o.o. Sarajevo	4.992,00 KM	3

LOT-3 (Nabavka arhivskih drvenih ormara)

R.br.	Naziv ponuđača	Ponuđena cijena bez uračunatog PDV-a	Rang
1.	„HAFELE BH” d.o.o. Gračanica	2.857,00 KM	1
2.	„R&S” d.o.o. Sarajevo	2.860,00 KM	2
3.	„MIRA-MAR” d.o.o. Foča	3.600,00 KM	3

Komisija je utvrdila da za LOT-1 i LOT-2 nije bilo snižavanja cijene ponuda kao kriterij za dodijelu ugovora, dok je za LOT-3 Komisija utvrdila da je bilo snižavanje cijene ponuda kao kriterij za dodijelu ugovora, u skladu sa članom 8. Pravilnika.

Nakon provedenog postupka ocjenjivanja dostavljenih ponuda te nakon izvještaja o toku i završetku e-aukcije od 31.10.2022. godine, Komisija je utvrdila da je ponuda ponuđača „HAFELE BH” d.o.o. Gračanica za LOT-1, LOT-2 i LOT-3 ocijenjena kao najpovoljnija, a čija vrijednost iznosi 16.000,00 KM za LOT-1, 4.360,00 KM za LOT-2 i 2.857,00 KM za LOT-3 sve bez uračunatog PDV-a, dok procijenjena vrijednost nabavke za LOT-1 iznosi 12.800,00 KM, za LOT-2 iznosi 3.900,00 KM a za LOT-3 iznosi 2.800,00 KM sve bez uračunatog PDV-a, iz čega nesporno proizilazi da iste premašuju procijenjenu vrijednost nabavke iz tačke I Odluke o pokretanju postupka javne nabavke kancelarijskog namještaja za potrebe Agencije. S tim u vezi, Komisija se aktom broj 16-12-16-6556/22 od 31.10.2022. godine obratila Sektoru za materijalno-finansijske poslove Agencije (u daljem tekstu: Sektor) i tražila mišljenje po pitanju prekoračenja procijenjene vrijednosti javne nabavke za navedene lotove. Sektor je dostavio Komisiji traženo mišljenje odnosno izjašnjenje po pitanju prekoračenja procijenjene vrijednosti javne nabavke kancelarijskog namještaja za potrebe Agencije, od 08.11.2022. godine u kojem je navedeno da je Agencija procijenu izvršila na bazi cijena u momentu sačinjavanja Plana javnih nabavki opreme i da je u prethodnom periodu utvrđen rast cijena velikog broja proizvoda kao i namještaja, te da se mogu obezbjediti dodatna sredstva u vrijednosti od 3.717,00 KM (19,06%) bez uračunatog PDV-a za predmetni postupak javne nabavke.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se ugovor za LOT-1, LOT-2 i LOT-3 dodijeli ponuđaču „HAFELE BH” d.o.o. Gračanica, kako je navedeno u članu 1. ove odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Darko Čulubić